



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 26 ноябрь, № 253 (8033)

Жума

Сайтимизга ўтиш учун QR-кодни телефонингиз орқали сканер қилинг.



## ЎЗБЕКИСТОН РЕСПУБЛИКАСИ ПРЕЗИДЕНТИ ЕВРОПА ИТТИФОҚИ ДЕЛЕГАЦИЯСИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 25 ноябрь куни Европа Иттифоқининг Европа комиссияси вице-президенти Маргаритис Схинас бошчилигидаги делегациясини қабул қилди.



## ЎЗБЕКИСТОН ВА ПОКИСТОН ЕТАКЧИЛАРИ ЎЗARO МАНФААТЛИ ҲАМКОРЛИКНИ КЕНГАЙТИРИШ МАСАЛАЛАРИНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 25 ноябрь куни Покистон Ислам Республикаси Бош вазири Имрон Хон билан телефон орқали мулоқот қилди.

Давлатимиз раҳбари Бош вазир Имрон Хонни таваллуд куни билан чин дилдан қутлаб, унга мустаҳкам соғлиқ, фаровонлик ва катта муваффақиятлар, дўст Покистон халқига эса тинчлик-осойишталик ва раванак тилади.

Сўхбат чоғида олий даражада эришилган келишувларни амалга ошириш масалалари ҳамда мамлакатларимиз ўртасидаги ўзаро манфаатли ҳамкорликни кенгайтириш истиқболлари кўриб чиқилди.

Мулоқотлар фаоллашгани, икки томонлама товар айирбошлаш кўрсаткичлари сези-

ларли даражада ўсгани ва ишбилармонлар ўртасидаги кооперация кучайгани мамнуният билан қайд этилди. Қишлоқ хўжалиги машинасозлиги, фармацевтика ва кимё саноати, тўқимачилик ва қурилиш материаллари тармоқлари, бошқа соҳалардаги инвестиция лойиҳаларини илгари суришга алоҳида эътибор қаратилди.

ЎзА.

Учрашув аввалида ЕИнинг юқори даражадаги вакили давлатимиз раҳбарига Европа кенгаши раиси Шарль Мишель ва Европа комиссияси раҳбари Урсула фон дер Ляйеннинг саломлари ва энг эзгу тилаklarини etkazди.

Ўзбекистон ва ЕИ ўртасидаги кўп қиррали ҳамкорликни

янада кенгайтириш масалалари кўриб чиқилди.

Икки томонлама мулоқотлар, шу жумладан, иқтисодиёт, қонун устуворлиги, демократик янгилинишлар, инсон ҳуқуқлари, хавфсизлик ва бошқа устувор йўналишларда ҳамкорлик фаоллашгани мамнуният билан қайд этилди.

Шу ойда “Ўзбекистон — ЕИ” ҳамкорлик кенгашининг навбатдаги йиғилиши муваффақиятли ўтказилди.

Ўзаро савдо ҳажми жадал ортомқда, Европа етакчи компанияларининг илгор тажрибаси ва технологияларини жалб қилган ҳолда йирик инвестиция лойиҳалари устида иш олиб борилмоқда.

Таълим, хавфсизлик соҳаларида, терроризм ва наркотрафикка қарши курашиш борасида муҳим қўшма дастурлар амалга оширилмоқда.

Ўзбекистон ва ЕИ ўртасида кенгайтирилган шериклик ва ҳамкорлик тўғрисидаги битим бўйича музокараларни якунлаш

ва уни тез фурсатда қабул қилиш масалаларига алоҳида эътибор қаратилди.

Минтақа кун тартибидеги долзарб масалалар юзасидан ҳам фикр алмашилди.

ЎзА.

Ўзбекистон Республикаси Президенти Матбуот хизмати сурати.

## ТУТАШ ТОМИРЛАР

Президентимиз Шавкат Мирзиёев раҳбарлигида Ўзбекистон ташқи сиёсатида очик, дўстона ва прагматик сиёсат олиб борилмоқда. Бунинг натижасида кейинги йилларда Ўзбекистоннинг дўстлари, хайрихоҳлари кўпайди. Қўшни, яқин ва узок мамлакатлар билан мутлақо янги — соғлом сиёсий ва иқтисодий алоқалар йўлга қўйилди. Халқаро ҳамкорликнинг кенг йўналишлари, замонавий механизмлари жорий этилмоқда. Туркий давлатлар ташкилоти ана шундай янги платформалардан биридир.

### ■ Акс садо

2009 йил 3 октябрда Озарбайжоннинг Нахичеван шаҳрида ривожланиш стратегияси ва алоқаларни кенгайтириш мақсадини белгилаб берган Туркий тили давлатлар ҳамкорлиги Кенгашини ташкил этиш тўғрисидаги декларация имзоланди. Бу воқеа қардош халқлар алоқалари эволюциясида янги, бирмунча маъналий ва прагматик босқичга йўл очди.

Ўтган йиллар ичида Кенгаш иштирокчилари — Озарбайжон, Қозоғистон, Қирғизистон ва Туркия томонидан пухта институционал архитектура барпо этилди. Булар Турк Парламент ассамблеяси (ТуркПА), ТУРКСОЙ — Турк маданияти халқаро ташкилоти, Турк академияси, Турк маданияти ва мероси фонди, Оқсоқоллар Кенгаши, Савдо-саноат палатаси.

▶ 3

## ИККИ ТОМОНЛАМА МУНОСАБАТЛАР ИЗЧИЛ РИВОЖЛАНМОҚДА

Кеча мамлакатимиз парламент делегациясининг Санкт-Петербург шаҳрида бўлиб ўтаётган МДХ Парламентлараро Ассамблеясининг навбатдаги ялпи мажлисида иштироки доирасида Ўзбекистон Республикаси

Олий Мажлиси Сенати Раиси Танзила Норбоеванинг Россия Федерацияси Федерал Мажлиси Федерация Кенгаши Раиси Валентина Матвиенко билан учрашуви бўлиб ўтди.

### ■ Мулоқот

В. Матвиенко Ўзбекистонда Президент Шавкат Мирзиёев раҳбарлигида амалга оширилаётган ислохотлар, шунингдек, жорий йилнинг 24 октябр кунини бўлиб ўтган Президент сайловини юқори баҳолади.

— Икки мамлакат ўртасидаги муносабатлар ўзаро ишончга эга бўлиб, улар Россия — Ўзбекистон ҳамкорлиги кун

тартибини белгилаб беради. Шунингдек, давлатларимиз раҳбарларининг савб-ҳаракатлари туфайли мамлакатларимиз ўртасидаги муносабатлар мисли кўрилмаган даражага кўтарилди, — деди В. Матвиенко. — Ҳамкорлигимиз иқтисодий, гуманитар ва бошқа соҳаларда муваффақиятли ривожланмоқда. Ўзбекистон Президенти парламент ҳамкорлигини ривожлантиришга катта эътибор қаратмоқда. Юксак

“Дўстлик” ордени учун яна бир бор миннатдорлик билдираман. Учрашувда Ўзбекистон — Россия ҳамкорлигини мустаҳкамлаш масалалари муҳокама қилинди. Таъкидланганидек, давлатимиз раҳбари Шавкат Мирзиёевнинг қайта сайланганидан сўнг Россия Федерациясига амалга оширган ташрифи икки томонлама муносабатларнинг ўзига хос хусусиятини яна бир бор тасдиқлайди.

▶ 2

Агар жамият ҳаётининг танаси иқтисодиёт бўлса, унинг жони ва руҳи маънавиятдир.

Шавкат МИРЗИЁЕВ

## ОЛИЙ ИҚТИСОДИЙ ТАЪЛИМ БАЙРОҚДОРИ



Мамлакат тараққиётида иқтисодиёт йўналишида тайёрланадиган кадрларнинг аҳамияти беқиёс. Бу ҳақда сўз кетганда, Тошкент давлат иқтисодиёт университети ҳаёлимизга келади. Мазкур даргоҳда камолга етган кадрларнинг Ўзбекистон иқтисодиёти шаклланишида, шунингдек, бугунги иқтисодий ислохотларда салмоқли ҳиссаси бор.

1931 йилнинг 13 августида Урта Осиё молия-иқтисод институти ташкил этилди. Унинг зиммасига Марказий Осиё республикаларини иқтисодчи кадрлар билан таъминлаш вазифаси юклатилди. Бу билан ҳозирги Тошкент давлат иқтисодиёт университетининг пойдевори қурилиб, бугун биз билган ва фахрланадиган шаклу шамойил буй кўрсата бошлади.

ни ташкил қилиш жараёни жуда оғир кечди. Ўзбек тилида дарс берадиган ўқитувчи-мутахассислар йўқ, аксарият дарслар рус тилида ўтилар эди.

▶ 4



### Фракцияларда

## ДАВЛАТ БЮДЖЕТИ ИЖРОСИ КўРИБ ЧИҚИЛДИ

Кеча сиёсий партияларнинг Олий Мажлис Қонунчилик палатасидаги фракцияларининг навбатдаги йиғилишлари бўлиб ўтди. Унда Ўзбекистон Республикаси Давлат бюджетининг ва давлат мақсадли жамғармалари бюджетларининг 2021 йил 9 ойи якунлари ижросига оид ҳисоботи, шунингдек, “2022 йил учун Ўзбекистон Республикасининг Давлат бюджетини тўғрисида”ги қонун лойиҳаси муҳокама қилинди.

Тадбиркорлар ва ишбилармонлар ҳаракати — Ўзбекистон Либерал-демократик партияси фракцияси йиғилишида жорий йилнинг январь — сентябрь ойлари ҳолатига кўра Ўзбекистон иқтисодиёти 6,9 фоизга ўсгани эътироф этилди.

Таъкидланганидек, ҳисобот даврида иқтисодиётда амалга оширилган харажатлар 13 551,6 млрд. сўмни ташкил қилди. Шунингдек, жорий йилда Ўзбекистон Республикаси давлат мақсадли жамғармаларининг даромадлари

прогнози 26 173,9 млрд. сўм бўлиб, прогноз кўрсаткичлари тўққиз ойлик ижроси 24 136,2 млрд. сўмга ёки йиллик прогноз 92,2 фоизга бажарилган.

Фракция аъзолари партия Сайловолди дастуридан келиб чиққан ҳолда Давлат бюджетининг 9 ойлик якунларига оид ҳисоботда ҳар бир вазирлик ва идораларнинг кенгайтирилган харажатларини уларга қўйилган вазифалар билан боғланган ҳолда кўриб чиқиш зарурлигини таъкидлади.

▶ 2

### Сенатор ва ҳаёт

## Янги қонунлар МОҲИЯТИ АҲОЛИГА ЕТКАЗИЛМОҚДА

Яқинда бўлиб ўтган Олий Мажлис Сенатининг йиғирма биринчи ялпи мажлисида бир қатор қонунлар маъқулланган ҳамда мамлакат ҳаётида муҳим аҳамиятга эга ижтимоий, иқтисодий ва бошқа масалалар кўриб чиқилган эди. Айни кунларда сенаторлар ҳудудларда бўлиб, уларнинг мазмун-моҳияти ва аҳамиятини аҳолига etkazмоқда. Шу мақсадда жойларда турли тадбирлар ва учрашувлар ташкил этилаётир.

Олий Мажлис Сенатининг Оролбўйи минтақасини ривожлантириш масалалари қўмитаси раиси Борий Алихонов Тахтақўпир тумани фаоллари билан учрашди.

Йиғилишда Сенатнинг йиғирма биринчи ялпи мажлисида маъқулланган “Фавкулдодда ҳолат тўғрисида”ги Конституциявий қонун, “Ин-

теллектуал мулк объектлари тўғрисидаги қонунчилик тақомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида”ги ҳамда “Гидрометеорология фаолияти тўғрисида”ги қонунларнинг мазмун-моҳияти очиб берилди.

▶ 2





